

靈寶傾教濟度金書卷之六十五十六十六卷

洞微高士開光教苦真人審金真授

靈寶通玄弘教水南先生林靈真編

科儀立成品淨供合用

大獻早朝行道儀

入戶

各禮師存念如法

宣衛靈呪

青陽慶映 耀日回靈 神虎辟邪 飛天流鈴

摧奸滅試 萬魔東形 九微回道 八威攝精

千真校錄 三元蕩清 左嚙中黃 右策六丁

七轉八合 周旋天經 聖化魏魏 三道順行

慶雲流布 合景黃庭 和與道合真

鳴法鼓二十四通

元上三天玄元始三炁太上道君召出自身

中三五功曹左右官使者侍香金童傳言玉

女五帝直符直日香官各三十二人出出者

嚴裝闍啓玄壇天帝神君當召此間土地里

域真官正神急上闍啓臣今奉為入意以今

早朝行道願得

玉清道炁靈寶妙炁下降流入臣等身中即

使玄壇清淨內外成真天無氛穢地絕秋塵

琳琅振響十方肅清萬魔不干真誠上徹今

臣所啓之誠速達徑御

太上元極大道至真玉皇上帝御前

請攝法位

具位臣某與臨壇官眾等謹同誠上啓

太上元極大道虛元自然元始天尊太上虛

皇玉晨大道君金闕玄元太上老君昊天玉

皇上帝十方已得道大聖眾至真諸君丈人

十方自然靈寶天尊隨機赴感太乙救苦天

尊三十六天帝君王虛上帝玉帝太帝東華

南極西靈北真玄都玉京金闕七寶玄臺紫

微上官靈寶至真明皇道君三十六部尊經

玄中大法師三界應感一切真靈臣聞先天

先地虛無混一炁之宗分陰分陽妙有散萬

形之運慧日昭宣於黃混迷雲翳藹於黑單

慘慄寒庭職刑機於考對淩涼夜壑司憲網

以繫維自非上聖垂極救之功曷使下愚藉

扶持之力臣夙叨玄陰獲際具乘野馬紛紛

拊已易凋於梨棗絨烏袞袞驚心將薄於桑
榆猶飛元而聚靈尚憲天而領教凡有投告
敢不關聞

宣詞

按如詞言備切忱恻齋主某心切同仁志存

博愛念茫茫為迹多沉滯之窮魂蕩蕩

幾顛連之苦寒或有主無主或凶終令終或

災火燒焚或江河投溺或虎狼吞咬或邪鬼

傷殘或霜雪凍凌或雷霆震擊或飢荒殞命

或牢獄喪身或盜賊殺傷或刀兵殘害或不

石壓損或道路傾摧或王法死亡或訟庭怨

恨或鬼神執滯或軍陣誅夷或自縊自殘或

投河投壑或中蠱服毒或飲食含冤或呪詛

勾連或冤讎執對或財命纏繞或神識顛邪

或胎產殞命或肢體零落或生遭疾病或死

受釘埋展轉冥途託身無所依棲幽域寄跡

何方不禁風悲月淡之狀歎無奈兩暗天陰

之戚戚實堪憐憫孰為哀矜與齋主所度某

等期普召於玄壇庸盡消於黑鬱龍恩浩蕩

鶴馭羅敷開定水八解之池澄清陰翳享玉

山三晨之候潤益陽雲降二炁之真精陶千
生之長垢惡根落滅均辭北陰鬱絕之鄉善
藥周圓但上東極妙嚴之境千愆湛寂一性
清明若木流精乘宸光於萬宇扶桑雲彩耀
曉色於千林金華騰百和之芳玉炬繫千枝

之麗駕班露禱願據民欲於再三札御雲開
期輅天休於萬一合幽冥而均慶溥遐邇以
交歡以今清旦行道請法眾等運茲初捻上
香歸身歸神歸命

大道巨等首體投地仰依

太上三尊願以是功德上祝

社稷尊靈宗統先聖伏願雲軒泛景月御飛
霄瓊圖怡神詣玉京而侍聖琳房御玉觀金
闕以參真流福皇圖凝祥聖祚今故燒香自
歸依

師尊大聖眾至真之德得道之後昇入無形
和與道合真

以今清旦行道請法眾等運茲二捻上香歸
身歸神歸命
大道巨等首體投地仰依

太上三尊願以是功德歸流濟主家德曾萬
祖歷劫種親伏願東華雲景南上登名陪鳳
駕以道遠疾除罪錄侍鸞與於客與永處福
鄉襲慶五枝流華七葉今故燒香自歸依
師尊大聖眾至真之德得道之後昇入無形

和與道合真

以今清旦行道請法眾等運茲三捻上香歸
身歸神歸命

大道巨等首體投地仰依

太上三尊願以是功德歸流九州八極中國

外夷滯魄孤魂沉靈幽爽伏願鄴城削憲陵
府書勤玉簡徘徊錄形神而起死金符錯落
超性識以更生均脫冥郊齊登樂界今故燒
香自歸依

師尊大聖眾至真之德得道之後昇入無形
和與道合真

禮方 懺方

三啓

樂法以為要 愛經如珠玉 持戒制六情
念道遺所欲 淡泊正炁停 蕭然神靜默

天魔並敬護 世世享大福

又

鬱鬱家國盛 濟濟經道興 天人同其願
縹緲入大乘 因心立福田 靡靡法輪升
七祖生天堂 我身白日騰

又

大道洞玄虛 有念無不契 鍊質入仙真
遂成金剛體 超度三界難 地獄五苦解
悉歸太上經 靜念稽首禮

三禮

等志心稽首禮

太上无極大道

等志心稽首禮

三十六部尊經

等志心稽首禮

玄中大法師

重稱法位

具位巨姓某某等謹重誠上啓

太上无極大道元始天尊太上大道君太上
老君高上玉皇十方自然靈寶天尊隨機赴

感太乙救苦天尊三十六部尊經玄中大法師天師君上相上宰四司五帝三界內外應感尊靈臣聞玄元布大慈大悲之化拯援幽沉碧落普度普救之司提携爽識皆聖真令重泉之無告與仙靈期積夜之有生陰景

淒涼扇仁風而駘蕩寒威澗冽流愛日以薰陶事煥條章義彰科律今齊主其誠輝事帝意恪祈天願提陰地之靈盡陟陽天之界猶慮爰從往劫迨至今生十習六因或沉迷其正性七情八識易蒙滓其元神善無一德之可書惡有千愆之堪錄生生飄蕩無涯之冤債纏縈世世流吹莫極之仇讎結習魂歸或嶺魄隨豐城未能度命於朱陵何由升神於黃混以今轉經懺罪行道首愆願開釋於憎嗔俾齊同於慈愛蘭湯滌垢俱臨普集之壇芝饌充飢均赴廣陳之席玉眸鍊質黃華蕩形承紫結以乘晨湛丹綸而離夜未度者度未升者升化寂寥幽暗之鄉為清靜光明之境齋主其心期圓滿志願安和門戶興隆挺一枝之嘉瑞庭闈閑暇超九葉之芳祥芴積

耕益蕝香架滋蒙鑑忱恂之切允符懇悃之私上願天地清寧風雲藏靜三光煥耀四氣朗清川后靜波水不達於竭澤山靈薦祉陸無值於焚林萬類生生百昌化茂園扉之青草獄訟無典靜方域之綠林奸兇不作三途罷對五道停輪上明

大道之好生下副微臣之懇切謹啓以聞

發十念

一念為道四大合德齋主七世父母免墮憂苦上升天堂衣食自然

二念帝王國主道化興隆庠序濟濟皇教恢弘威儀翼翼普天所瞻民稱太平四夷賓伏杖惡自滅聖賢自生

三念法師功德大建教化明達俱獲飛仙四念同志學人早得仙道更相關度

五念九親和睦好尚仁義貴道賤財行為物範

六念損己布施道士及飢寒者天下人民各得其所

七念蠕動跂行一切衆生成蒙成就

八念赦賞前生今世罪對立功補過九念家門隆盛宗廟有人世生賢才

十念專受經師不敢中怠平等一心廣度尅獲上仙白日登天拜見太上永成真入雲車羽駕和與道合真

復爐

香官使者左右龍虎君侍香諸靈官當今日朝元之所自然生金液丹碧芝英百靈衆真交會在此香大爐前今日學道得道求仙得仙齋主受福幽顯沾恩十方仙童玉女侍衛蘭烟傳臣向來所啓之誠速達徑御太上无極大道至真玉皇上帝御前

出戶

靈寶領教濟度金書卷之六十五